



صاحب امتیازی :

شهبندر زاده قلبلی

احمد حامی

اداره و تحریر محلی :

جفال اوغلی نجاده سنده دائره مخصوصه
خبرات صاحب امتیاز ایله جریان ایتلیدر.

نسخه سی هر پرده

۲۰ باره در .

۱۰ جمادی الاول ۳۲۸

شرائط اشتراك

ولایات عثمانیه ایچون

سنه لکی ۳۰

آلتی ایایی ۲۰ غروشد

ممالک اجنبیه ایچون سنه لکی ۱۰

آلتی ایایی ۶ فرانقدر

اعلانات ایچون اداره مأموری محمد ذهنی بکه

مراجعت ایتلیدر

پولسز مکتوبل قبول ایدلز

مایس افرنجی ۱۹

۶ مایس ۳۲۶

وَأَنْتُمْ مَعَهُ وَالْأَوَّلُ وَالْآخِرُ وَالْبَاقِي وَالْأَوَّلُ وَالْآخِرُ وَالْبَاقِي

اخطار :

داخلی پوسته اجرتی تنزیل ایدلش اولدیفندن
ایونه مزیدله ده اوتوز غروشه تنزیل ایدلشدر. اوتوز
بش غروش تأدیه ایدن طشره ده کی مشترکین کرامتزه
ایونه بدلدن فضلا قالان بش غروشه متابل « عصر
حمیده سنوسیلر » نامنده کی کتاب پوسته ایله ارسال
اولونمشدر . مذکور کتابدن پردانه سنک اداره خانه
مزدن آلدیرلماسنی استنبول ایونه لر مزدن رجایده رز.

شکران :

تشویق آمیز مکاتیب آلمقده دوام ایدیوروز .
بزی تلطف لایله تسریر بویوران ذوات کرامه تکرار
عرض شکران ایده رز .

اجال سیاسی

کریدک یونانه الحاقی حقتده

انسانیت نقطه نظرندن برماکه

کرید مسئله سنده دول حامیه نك شیمدی به قدر
سبق ایدن حرکتی . اشکال نزاکت ناستدن صرف
نظر ایدیلرسه ، هب یونانیله بماشات و ماوندن ،
حقوق عثمانیه بی تأویلان مضحکه ایچنده اضاعه دن
عبارت اولدینی کوریلیر .

بو ، انکاری غیر قابل بر حقیقتدر . اکلاشیلیورکه
بر طرفدن وحدت مذهبه و ارتباط مدنی کی اسباب
و دیگر طرفدن صهریت کی عوامل یوزندن اورویا
زمامداران اموری ، عثمانی منافعی عسینه ، یونان
مدعیات حقوق کنگنه سنی قولاً دکلمده حالانته جمیع
وترویج ایدیور .

بزشو مقاله مزده کرید مسئله سنی حقوق نقطه
نظرندن دکل ، اورویالیلرک شو تمایلاتی نقطه سندن

[وحتی محض انسانیت استاریله] تدقیق ایده چکز .
وتدقیقانه بر سؤال ایله ابتدار ایده چکز :

کریدک یونانه الحاقی ، یونان عنصری ایچون بر
ایلاک می در ؟

بوسؤالک حقیقی جوابی هم اورویالیلر وهم ده
یونان متفکرینی کوزلجه دوشونمایدلر . کرید مسئله سی
اسلام و عثمانی ماتی ایچون « ناموس و شرف » مسئله سی
اولمشدر . بوتون عثمانیلر قانعدرلر که کریدک وطن
عثمانیدن نزعی ، اقسام سائر و وطنیه حقتده کی مدعیات
و تصوراتک تصدیقیدر ، وحدت و وطنیه اوریله جق
ایلاک ضربه در .

بوتون عثمانیلر قانعدرلر که ، حقوق صریح لرینه
رغم کریدک کدیلرندن نزعی ، موجودیت ملیه لرینک
خرستیاناق عالمجه اعدامه محکوم اولدیفنک اعلامیدر !
شوخالده ایسه ، موجودیت ملیه لرینک محافظه سی
اوغورنده ، هر حاله راضی اولوب « هرچه بادا باد »
وادیسنه دوکوله جک اولان عثمانیلرک ، عثمانی
موجودیتی طاعونی حکمنه کیره جک اولان یونان
عنصرینه صورت قهرینه نك کافه سیله هجوم ایده جکی
طبیعیدر .

حالت احتضاره کریدکی فرض اولنان عثمانیلرک ،
افسای موجودیت ایتزدن اول ، یونان عنصرینی
محو ایده جکلرینه ، بو عالمده هدف نظرلری اوله جق
صوک شینک : یونان جسد بی روحی اوله جفته
اورویالیلر هیچ شیه اتمه مایدلر .

وقوعی محقق اولان شونتجه عیجا یونان عنصرینه
برایلاک می در ؟ ایشه بوراسنی سیاسیلره صوریوروز .

بعض احسوال وارددرکه ملتتری جیلدیرتیر ،
محاکمه سنی سلب ایدر . ایشه کرید مسئله سی ده بزم
ایچون بویه برماهیتی حائزدر . ناسل اولماسون که کرید
ایشنده صحابتنک ، قرابتک ، صهریتک ، تعصبک
حقه غلبه سنی کوزیوروز ، کوریوروز که حق ، حقوق

انسانیت ، بزه کانه ، بز جای بحث ایدیلنجه ، قوری
سوزلردن ، آچی استهزاردن عبارت ایمش !

کرید المزدن النیرسه | که بو ، انحق یکی بر اهل
صایب اتفراقله نمکندر | حکمنه مجبوروز که مدنیت
کسوه سنه بوروش اولان خرسیتیانقله فی دینسزاک
اسلام ، واسلامک آلتی عصراق محافظلری اولان
تورک لری محوه بوروشدر ، حکمنه مجبوروز که بزه یاشامق
ایچون ساحة ذلت و مسکنت وطن ویریلور ،
حکمنه مجبوروز که بزم ایچون شان و شرفله اولمکدن
باشقه چاره یوق . لیکن صانیورلری کیز ، قویونلر
کی ، بوخیزی تیغ ظلمه اوزاتیورلرک مسکینه
اولوروز ! سکزمیلیون تورکک ، اونلره اتباعاً مایلو-
نلرله جیتی مسلمانلرک مدفن ذی شانی ، مقبر دهشت
نشانی برقان دریایی اولور !

بزی بو عزم متبندن چویره جک ذبیوی هیچ بر
قوت یوقدر ، سیاسی نوطلر ، مهیب درید ناوتلر ،
شرف و حیثیتی اوغورنده هر حاله حاضر لاش اولان
جیتی برماک قاب فداکارینه ، وجدان حیت نثارینه
قسر یول ، بولاماز !

ایشته بورالرنی : انسانیتک رهبری اولاق اعدا-
سنده بولونان اورویالیلر ، انسانیت نام جیلنه اوله رق ،
کوزلجه دوشونمایدلر .

بزرکید ویرمیت ، دیوروز ، کرید ایچون اولوروز
دیوروز : حتمز تسلیم ایدلرسه ، ملیتمز تحقیر
اولونورسه ، انسانیت انکار ایدیلرسه ، بزه
حقوقی و انسانیتی ایاقلر آلتله آتارز ، دیوروز ،
بوانین قای ، بو فریاد یاس آور . دول معظمتک ،
ملل متمدننک سمع انصاف و ابتباهه کیتلیدر .

یاربی ! عیجا بو اینلاری لطیفه می صانیورلر ؟
اورویالیلر ، قان کورمه نیجه بر حقیقه اینانیه جق قدر
محکوم رب و غفلت می دولر ؟

شهبندر زاده قلبلی

احمد حامی